

LA

SEMAINE RELIGIEUSE

DE QUEBEC

DECRETUM

*QUEBECEN.— Beatificationis et Canonizationis Ven. Servæ Dei
SOR. MARIÆ AB INCARNATIONE fundatricis monasterii
Ursularum in civitate Quebecen.*

Quum ad instantiam Rev. Patris Francisci Xaverii Cazanave Procuratoris Generalis Seminarii Parisiensis Missionum ad exteros, Postulatoris constituti Causæ Beatificationis et Canonizationis præfatæ Ven. Servæ Dei Sor. Mariæ ab Incarnatione, Sanctissimus Noster Leo Papa XIII sub die 29 Novembris 1888 iam benigne indulisset ut de fama Sanctitatis Vitæ, Virtutum et Miraculorum in genere ejusdem Ven. Servæ Dei agi valeret in Sacra Rituum Congregatione Ordinaria absque interventu et voto Consultorum; a me infrascripto Sacræ eidem Congregationi Præfeco, loco et vice Emi et Rmi Dni Cardinalis Bianchi hujus Causæ Ponentis, sequens Dubium in Ordinariis ipsius Sacræ Congregationis Comitibus ad Vaticanum subsignata die habitis propositum fuit, nimirum: *An constet de validitate et relevantia Processus Apostolica auctoritate in Diocesi Quebecensi constructi super fama sanctitatis Vitæ, Virtutum et Miraculorum in genere præfatæ Ven Servæ Dei in casu, et ad effectum de quo agitur?*

Emi porro et Rmi Patres Sacris tuendis Ritibus præpositi, omnibus maturo examine perpensis, auditoque voce et scripto R. P. D. Augustino Caprara Sanctæ Fidei Promotore, rescribendum censuerunt: *Affirmative seu constare.* Die 23 Aprilis 1891.

Quibus per infrascriptum Secretarium Sanctissimo Domino Nostro Leoni Papæ XIII fideliter relatis, Sanctitas Sua Rescriptum Sacræ Congregationis ratum habuit et confirmavit. Die 13 Mai anno eodem.

L. † S.

C. CARD. ALOISI-MASELLA,

S. R. C. Præf.

VINCENTIUS NUSSI,

S. R. C. Secretarius.